

二十四史九通政典類要合編

後漢

第八冊



後漢十四

車服玉輅 乘輿 金根 安車 立車 耕車 戎車 獵車 駟車 青蓋車 繅車

車馬飾 警蹕 璽 百官印 節 符 榮 關傳 見冠 長冠 委貌冠 皮弁冠

通天冠 遠遊冠 高山冠 進賢冠 法冠 武冠 建華冠 方山冠 巧

士冠 却非冠 却敵冠 樊噲冠 衛士冠 鶚冠 幘 佩玉 佩刀 佩印 黃赤

綬 赤綬 綠綬 紫綬 青綬 墨綬 黃綬 青紺綸 后夫人服

天子五路以玉為飾錫樊纓十有再就建大常十有二旂九仍曳地日月升龍象天明也輿服志

右玉輅

殷瑞山車金根之邑漢承秦制御為乘輿所謂孔子乘殷之輅者也輿服志

右乘輿

乘輿按此乘輿二字蓋言天子也金根安車立車輪皆朱班重牙貳轂兩轄金薄繆龍為輿倚較文虎伏軾龍首

街輓左右吉陽箭鸞雀立衡橫文畫輶羽蓋華蚤建大旆十二旂畫日月升龍駕六馬象鑣鑣錫金

鍍方軌插翟尾朱兼樊纓赤罽易其金就十有二左肅以輦牛尾為之在左駢馬輓上大如斗是為

德車五時車安立亦皆如之各如方色馬亦如之白馬者朱其髦尾為朱鬣云所御駕六餘皆駕四

後從為副車輿服志

後漢太皇太后皇太后皇后法駕皆御金根車重翟羽蓋加青交給帷裳

漢制乘輿金根安車立車

蔡邕曰五安五立徐廣曰立乘曰高車坐乘曰安車

是為德車五時車安立亦皆如之各如方色馬

亦如之建大旂十有二旂駕三公馬餘皆駕四皇太子皇子公列侯皆乘之自漢以後亦為副車

後漢制諸侯乘安車朱班輪飛軫倚鹿較伏熊軾皂繒蓋黑輻右駢旂九旂鏤錫又旄朱鏤縱末鹿

文絳扇汗青翅鸞尾卿以下有駢者綈扇汗

以上通典禮典

右金根 安車 立車

耕車其飾皆如之有三蓋一曰芝車置轡耒耜之服上親耕所乘也

輿服志通典同

右耕車

戎車其飾皆如之蕃以矛麾金鼓羽析幟轡胄甲弩之箛

輿服志通典同

獵車其飾皆如之重輞縵綸繆龍繞之一曰闕猪車親校獵乘之

輿服志通典同

右戎車 獵車

太皇太后皇太后非法駕則乘紫屬轡車雲縵文畫轡黃金塗五末蓋蚤左右駢駕二

輿服志

長公主赤屬轡車

輿服志

大貴人貴人公主王妃封君油畫轡車大貴人加節畫轡皆右駢而已

輿服志通典同

右轡車

皇太子皇子皆安車朱班輪青蓋金華蚤黑縵文畫轡文輞金塗五末皇子為王錫以乘之故曰王

青蓋車

皇孫綠車以從皆左駢駕三

公列侯安車朱班輪倚鹿較伏熊軾皂纒蓋黑轡石駢中二千石二千石皆皂蓋朱兩轡其千石六百石朱左轡轡長六尺下屈廣八寸上業廣尺二寸九丈十二初後謙一寸若月初生示不能自滿也景帝中元五年始詔六百石以上施車轡得銅五末軛有吉陽節中二千石以上右駢三百石以上卓布蓋千石以上卓纒覆蓋二百石以下白布蓋皆有四維杠衣賈人不得乘馬車除吏赤畫杠其餘皆青云

案郭賀傳舊典傳車駢駕乘亦唯裳唯賀爲冀州勅去轡唯謝承書曰孔恂字巨卿新塗人州別駕從事車前舊有屏星如刺史車曲轡儀式時刺史行部發去日晏刺史怒欲去別駕車屏星恂議曰明使君傳車自發晚而欲徹去屏星毀國舊儀此不可行別駕可去屏星不可省即殺傳去刺史追辭謝請不肯還於是遂不去屏星說文曰車當謂之屏星

公列侯中二千石二千石夫人會朝若有贊各乘其夫之安車右駢加交路帷裳皆皂非公會不得乘朝車得乘漆布轡轡車銅五末

以上並輿服志通典並同

右青蓋車 綠車 皂蓋車 夫人安車

乘輿大駕公卿奉引太僕御大將軍參乘屬車八十一乘僦千乘萬騎西都行祠天郊甘泉備之官有其注名曰甘泉鹵簿東都唯大行乃大駕大駕太僕校駕法駕黃門令校駕乘輿法駕公卿不在鹵簿中河南尹執金吾雒陽令奉引奉車郎御侍中參乘屬車四十六乘前驅有九旂雲罕鳳凰闕戟皮軒鸞旗皆大夫載鸞旗者編羽旄列繫幢旁民或謂之雞翹非也後有金鉦黃鉦黃門鼓車古

諸侯貳車九乘秦滅九國兼其車服故大駕屬車八十一乘法駕半之屬車皆皂蓋赤裏朱轡戈矛弩箛尚書御史所載最後一車垂豹尾豹有以前比省中行祠天郊以法駕祠地明堂省什二祠宗廟尤省謂之小駕每出太僕奉駕上鹵簿中常侍小黃門副尚書主者郎令史副侍御史蘭臺令史副皆執法以督整車騎謂之護駕春秋上陵尤省於小駕直事尚書二人從其餘皆先行後罷

輿服志

右大駕 法駕 小駕

輕車古之戰車也洞朱輪輿不巾不蓋建牙戟幢麾輶輦警藏箛在武庫大駕法駕出射聲校尉司馬吏士載以次屬車在鹵簿中諸車有牙戟其飾幡旂旗幟皆五采制度從周禮吳孫兵法云有巾有蓋謂之武剛車武剛車者爲先驅又爲屬車爲後殿焉

大使車立乘駕騶赤帷持節者重還從厥曹車斧車督車功曹車皆兩大車五百環弩十二人辟車四人從車四乘無節單導從減半

小使車不立乘有騶赤屏泥油重絳帷導無斧車近小使車蘭輿赤轂白蓋赤帷從騶騎四十人此謂追捕考案有所勅取者之所乘也諸使車皆朱班輪四輻赤衡軛其送葬白望已下酒車而後還八卿中二千石二千石郊廟明堂祠陵法出皆大車立乘駕騶他出乘安車

太行載車其飾如金根車如施組連壁交絡四角金龍首銜壁垂五采析羽流蘇前後雲氣畫帷裳機文畫曲幡長縣車等太僕御駕公布施馬布施馬者治白駱馬也以黑藥灼其身爲虎文旣下馬

斥賣車藏城北祕宮皆不得入城門當用太僕考工乃內飾治禮吉凶不相干也

以上並輿服志

右輕車 大使車 小使車 載車

公卿以下至縣三百石長導從置門下五吏賊曹督盜賊功曹皆帶劍三車從導主簿主記兩車爲從縣令以上加導斧車公乘安車則前從并馬立乘長安雒陽令及王國都縣加前後兵車亭長設右騂駕兩轅弩車前伍伯公八人中二千石二千石六百石皆四人自四百石以下至二百石皆二人黃綬武官伍伯文官辟車鈴下侍闕門闕部署里走卒皆有程品多少隨所典領

驛馬三十里一置卒皆赤幘絳鞬云古者軍出師旅皆從秦省其卒取其師旅之名焉公以下至二千石騎吏四人千石以下至三百石縣長一人皆帶劍持棨戟爲前列鞬弓韜九鞬諸侯王法駕官屬傳相以下皆備鹵簿似京都官騎張弓帶鞬遮迺出入稱課促列侯家丞庶子導從若會耕祠主縣假給辟車鮮明卒備其威儀導從事畢皆罷所假

以上輿服志

右導從車

諸車之文乘輿倚龍伏虎橫文畫轡龍首轡衡重牙班輪升龍飛輪皇太子諸侯王倚虎伏鹿橫文畫轡轡吉陽箭朱班輪鹿文飛輪旂旗九旂降龍公列侯倚鹿伏熊黑幡朱班輪鹿文飛輪九旂降龍卿朱兩輪五旂降龍二千石以下各從科品諸轡車以上輓皆有吉陽箭諸馬之文案乘輿金鑲方鈇插翟象鑲龍畫總沫升龍赤扇汗青兩翅燕尾駙馬左右赤珥流蘇飛鳥節赤膺兼皇太子亦

加之王公列侯鏤錫又髻朱鑣朱鹿朱文絳扇汗青翅燕尾卿以下有駢者緹扇汗青翅尾當盧又髻上下皆通中二千石以上及使者乃有駢駕云輿服志

右車馬飾

警蹕魯恭傳注云天子入警出蹕

王者至尊出入常有警蹕而行靜室而止楊秉傳

右警蹕

建武二年閏月丙午赤眉君臣面縛奉高皇帝璽綬二月己未祠高廟受傳國璽光武帝紀通考同

蔡邕獨斷曰皇帝六璽皆玉螭虎紐文曰皇帝行璽皇帝之璽皇帝信璽天子行璽天子之璽天子信璽皆以武都紫泥封之傳國璽是秦始皇所刻其玉出藍田山丞相李斯書之其文曰受命於天既壽永昌高祖至霸上秦王子嬰獻之至王莽篡位就元后求璽不與以威逼之乃出璽投地璽上螭一角缺及莽敗李松持璽詣宛上更始更始敗璽入赤眉劉盆子既敗以奉光武光武帝紀注通考同

尚符璽郎中四人在中主璽及虎符竹符之半者百官志注

皇后璽綬伏后紀注引蔡邕獨斷曰皇后赤綬玉璽

諸侯王列侯始封貴人薨皆合贈印璽禮儀志

建武二十六年賜南匈奴黃金璽綬南匈奴傳

靈帝熹平六年八月戊辰袁紹等誅宦官引兵入宮張邈段珪等急迫劫少帝及陳留王小平津公璽不自隨辛未帝還宮是日得亡公璽失傳國璽袁術死軍破徐璆得其盜國璽及還許上之

魏受禪遣使求璽獻穆曹皇后不與如此數輩后乃呼使者入親數責之以璽抵軒下因涕泣橫流

曰天不祚爾左右莫能仰視

以上通考
王禮考

右璽

建武元年復設諸侯王金璽緋綬公侯金印紫綬九卿執金吾河南尹秩皆中二千石大長秋將作大匠度遼諸將軍郡太守國傅相皆秩二千石校尉中郎將諸郡都尉諸國行相中尉內史中護軍司秩直皆二千石以上皆銀印青綬中外官尚書令御史中丞治書侍御史公將軍長史中二千石丞正平諸司馬中宮王家僕雒陽令秩皆千石尚書中謁者黃門冗從四僕射諸郡監中外諸都官令都侯司農部丞郡國長吏丞侯司馬千人秩皆六百石家令侍僕秩皆六百石雒陽市長秩四百石主家長秩皆四百石以上皆銅印黑綬諸曹長楫權丞秩二百石諸秩千石者其丞尉皆秩四百石秩六百石者丞尉秩三百石四百石者其丞尉秩二百石縣國丞尉亦如之縣國二百石長丞尉亦二百石明堂靈臺丞諸陵校長秩二百石丞尉校長以上皆銅印黃綬縣國守宮令相或千石或六百石長相或四百石或二百石長相皆以銅印黃綬而有秩者侍中中常侍光祿大夫秩皆二千石大中大夫秩皆比二千石尚書諫議大夫侍御史博士皆六百石議郎中謁者秩皆比六百石小

黃門侍郎中黃門秩皆比四百石郎中秩皆比三百石太子舍人秩二百石

輿服志注
通考同

建武中馬援上書言臣所假伏波將軍印伏字太外擲城皋令印字爲白下羊丞印四下羊尉印白

下人人下羊卽一縣長吏印文不同恐天下不正者多符印所以爲信也所宜齊同薦曉古文字者

事下大司空正郡國印章奏司

東觀官見
馬援傳注

右百官印

符節令爲符節臺率主符節事凡遣使掌授節

百官志

中平六年始復節上赤葆

百官志注

尙符璽節中掌璽及虎竹符之半者

百官志應劭曰銅虎符第一至第五國家當發兵遣使者至郡合符符合乃聽受之竹使符皆以竹簡五枚長五寸鐫刻篆書

第一至第五張晏曰符以代古之珪璋從簡易也顏師建武之初禁網尙闊但以璽書發兵宋有虎

符之信杜詩上疏曰舊制發兵皆以虎符其餘調發竹使而已聞者發兵但用璽書或以詔令如有

姦人詐僞無由知覺愚以爲軍旅尙通賊虜未殄調兵郡國宜立虎符以絕姦端書奏從之

杜詩傳
通考同

凡居宮中者皆有口籍於其門之所屬宮名兩字爲鐵印文符案符乃內之若外人以事當入本

宮長吏爲封梁傳其有官位出入令御者言其官

百官志

世祖召見杜詩賜以梁戟

漢志假梁戟以代斧鉞古今注曰梁戟前驛之器名以木爲之後以赤油鉛爲之亦謂之油戟

漢制梁戟卽爲令威郭躬

靈帝時竇武欲誅宦官曹節聞之驚起白帝請出御德陽殿取堅信閉諸禁門竇武傳注云梁有衣者本官爲封侯傳審印信然後受

建武二十六年賜匈奴啟載匈奴傳

郭丹從師長安賈符入函谷關慨然歎曰丹不乘使者車終不出關符即縹也前書音義曰舊制入後復出合之以爲符非眞符也

右節符 縹 關符

冕冠垂旒前後遽延玉藻孝明皇帝永平二年詔有司采周官禮記尙書皋陶篇乘輿服從歐陽氏之說八卿以下從大小夏侯氏之說冕皆廣七寸長尺二寸前圓後方朱緣裏玄上前垂四寸後垂三寸以白玉珠爲十二旒以其綬采色爲組纓二八諸侯七旒青玉爲珠卿大夫五旒黑玉爲珠皆有前無後各以其綬采色爲組纓旁垂黼纁郊天地祀明堂則冠之衣裳玉佩備章采乘輿刺史八侯九卿以下皆織成陳留襄邑獻之云云輿服志通典同

右冕冠

長冠一曰齊冠高七寸廣二寸促漆纓爲之制如板以竹爲裏初高祖微時以竹皮爲之謂之劉氏冠楚冠制也民謂之鵲尾冠非也祀宗廟諸祀則冠之皆服衲玄絳緣領袖爲中衣絳綺絲示其赤心奉神也五郊衣纁綺絲各如其色此冠高祖所造故以爲祭服尊敬之至也輿服志通典同

右長冠

委貌冠皮弁冠同制長七寸高四寸制如覆杯前高廣後卑銳所謂夏之母追殷之章甫者也委貌以皂絹爲之皮弁以鹿皮爲之行大射禮於辟雍公卿諸侯大夫行禮者冠委貌衣玄端素裳執事者冠皮弁衣緇麻衣皂領袖下素裳所謂皮素積者也

爵弁一名冕廣八寸長尺二寸如爵形前小後大繪其上似爵頭色有收持筭所謂夏收殷皞者也祠天地五郊明堂雲翹舞樂人服之禮曰朱干玉鉞冕而舞大夏此之謂也

通天冠高九寸正直頂少邪卻乃直下爲鐵卷梁前有山展筥爲述乘輿所常服服衣深衣制有袍隨時五色袍者或曰周公抱成王宣居故施袍禮記孔子衣縫掖之衣縫掖其袖合而縫大之近今袍者也今下至賤吏小史皆通綢袍單衣皂緣領袖中衣爲朝服云

以上輿服志通典並同

右委貌冠 皮弁冠 爵弁冠 通天冠

遠遊冠制如通天有展筥橫之於前無山述諸王所服也

高山冠一曰側注制如通天不邪卻直豎無山述展筥中外官謁者僕射所服太傅胡廣說曰高山冠蓋齊王冠也秦滅齊以其君冠賜近臣謁者服之

以上輿服志

遠遊冠天子五梁太子三梁諸侯王通服之

高山冠漢舊儀云乘輿冠高山冠飛月之纓

一云飛

丹紉裏

按此高山冠以通天冠之纓

通典禮典

右遠遊冠 高山冠

進賢冠古緇布冠也文儒者之服也前高七寸後高三寸長八寸八侯三梁自二千石以下至博士兩梁自博士以下至小史私學弟子皆一梁宗室劉氏亦兩冠示加服也

法官二曰柱後高五寸以纁爲展筓鐵柱卷執法者服之侍御史廷尉正監平也或謂之獬廌冠獬廌爲神羊能別曲直楚王嘗獲之故以爲冠胡廣說曰春秋左氏傳有南冠而縶者則楚冠也秦滅楚以其君服賜執法近臣御史服之

武冠二曰武弁大冠諸武官冠之侍中中常侍加黃金璫附蟬爲文貂尾爲飾謂之趙惠文冠胡廣說曰趙武靈王效胡服以金璫飾首前插貂尾爲貴職秦滅趙以其君冠賜近臣建武時匈奴內屬世祖賜南單于衣服以中常侍惠文冠中黃門童子佩刀云

輿服志通典並同

右進賢冠 法冠 武冠

建華冠以鐵爲柱卷貫大銅珠九枚制似縷鹿記曰知天者冠述知地者履絢春秋左傳曰鄭子臧好鷩冠前圓以爲此則是也天地五郊明堂育命舞樂人服之

方山冠似進賢以五采縠爲之祠宗廟天子八佾四時五行樂人服之冠衣各如其行方色而舞焉巧士冠高七寸要後相通直堅不常服唯郊天黃門從官四人冠之在鹵簿中大乘輿車前以備宦者四星云

二四
卻非冠制似長冠下促宮殿門吏僕射冠之有赤幘青翅燕尾諸僕射幘皆如之

國服志
通典並同

右建華冠 方山冠 巧士冠 卻非冠

卻敵冠前高四寸通長四寸後高三寸制似進賢衛士服之

樊噲冠漢將樊噲造次所冠以入項羽軍廣九寸高七寸前後出各四寸制似冕司馬殿門大難衛士服之或曰樊噲嘗持鐵楯聞項羽有意殺漢王噲裂裳以裏楯冠之入軍門立漢王旁視項羽術氏冠前圓吳制差池逶迤四重趙靈王好服之今不施用

諸冠皆有纓纓執事及武吏皆縮纓垂五寸武冠俗謂之大冠環纓無纓以青系爲緹加雙鵞尾豎左右爲鵞冠云五官左右虎賁羽林五中郎將羽林左右監皆冠鵞冠紗轂單衣虎賁將虎文袴白虎文劍佩刀虎賁武騎皆鵞冠虎文單衣襄邑歲獻織成虎文云鵞者勇雉也其鬪對一死乃止故趙武靈王以表武士秦施之焉

輿服志
通典並同

右卻敵冠 樊噲冠 術士冠 鵞冠

古者有冠無幘其戴也加首有頰所以安物故詩曰有頰者弁此之謂也三代之世法制滋彰下至戰國文武並用秦雄諸侯乃加其武將首飾爲絳帟以表貴賤其後稍稍作顏題漢踵續其顏卻掾之施巾連題卻覆之今喪幘是其制也名之曰幘幘者蹟也頭首嚴蹟也至孝文乃高顏題續之爲耳崇其中爲屋合後施收上下羣臣貴賤皆服之文者長耳武者短耳稱其冠也尚書幘收方二寸

名曰納言示以忠正顯近職也迎氣五郊各如其色從童服也皂衣羣吏春服青幘立夏乃止助微順氣尊其方也武吏常赤幘成其威也未冠童子幘無屋者示未成人也入學小童幘也句卷屋者示尚幼少未遠冒也喪幘卻搥反本禮也升斂如冠與冠偕也期喪起耳有收素幘亦如之禮輕重有制變除從漸文也

古者君臣佩玉尊卑有度上有敔貴賤有殊佩所以章德服之衷也敔所以執事禮之兵也故禮有其度威儀之制三代同之五霸迭興戰兵不息佩非戰器敔非兵旗於是解去敔佩留其條璫以爲章表故詩曰黼黻佩璫此之謂也敔佩既廢秦乃以采組連結於璫光明章表轉相結受故謂之綬漢承秦制用而弗改故加之以雙印佩刀之飾至孝明皇帝乃爲大佩衝牙雙璫璫皆以白玉乘輿落以白珠公卿諸侯以采絲其視見旒爲祭服云

佩力乘輿黃金通身貂錯半鮫魚鱗金漆錯雌黃室五色屬隱室華諸侯王黃金錯環狹半鮫黑室公卿百官皆純黑不半鮫小黃門雌黃室中黃門朱室童子皆虎爪文虎黃室虎文其將白虎文皆以白珠鮫爲嚙口之飾乘輿者加翡翠四紆嬰其側

佩雙印長寸二分方六分乘輿諸侯王公列侯以白玉自千石以下至四百石皆以黑犀二百石以至私學弟子皆以象牙上合絲乘輿以勝貫白珠赤屬繫諸侯王以下以絳赤絲繫勝各如其印質刻書文曰正月剛卯既決靈爻四方赤青白黃四色是當帝令祝融以教養龍虎疫剛驅其我

敢當疾日嚴卯帝令憂化慎爾周伏化茲靈爰既正既直既觚既方庶疫剛瘳莫我敢當凡六十六字前書注云以正月卯日作以上並與服志通典同

右纓 佩玉 佩刀 佩印

乘輿黃赤綬四采黃赤紺纁黃圭長丈九尺九寸五百首

太皇太后皇太后其綬皆與乘輿同皇后亦如之

諸侯王赤綬四采赤黃纁紺渚赤圭長一丈一尺二百首

長公主天子貴人與諸侯王同綬者加特也

諸國貴人相國皆綠綬三采綠紫紺渚綠圭長一丈一尺二百四十首

公侯將軍紫綬二采紫白渚紫圭長丈七尺百八十首公主封君服紫綬

九卿中二千石二千石青綬二采青白渚青圭長七尺百二十首自青綬以上纁皆長二尺一寸

與綬同采而首半纁者古佩纁也佩綬相迎受故曰纁紫綬以上纁綬之間得施玉環鑄云

千石六百石黑綬二采青赤紺渚青圭長丈六尺八十首四百石三百石長同

四百石三百石二百石黃綬渚黃圭一采長丈五尺六十首自黑綬以下纁綬皆長三尺與綬同采

而首半之

百石青紺綬一采宛轉纁織長丈二尺凡先合單紡爲一系四系爲一扶五扶爲一首五首爲一文

文采渚爲一圭首多者系細少者系麤皆廣尺六寸

以上並輿服志
通典並同

右黃赤綬 赤綬 綠綬 紫綬 青綬 墨綬 黃綬 青紺綸

太皇太后皇太后入廟服紺上阜下鷺青上纁下皆深衣制隱領袖緣以條剪鼈繒簪珥耳璫垂珠簪以璫瑁爲璲長一尺端爲華勝上爲鳳凰爵以翡翠爲毛羽下有白珠垂黃金鑷左右一橫簪之以安齒結諸簪珥皆同制其施有等級焉

皇后謁廟服紺上阜下鷺青上纁下皆深衣制隱領袖緣以條假結步搖簪珥步搖以黃金爲山題貫白珠爲桂枝相繆一爵九華熊虎赤黑天鹿辟邪南山豐大特六獸詩所謂副笄六珈者諸爵獸皆翡翠爲毛羽金題白珠璫繞以翡翠爲華云

貴人助贊服純纁上下深衣制大手結墨璫璫又加簪珥

長公主見會衣服加步搖公主大手結皆有簪珥衣服同制

自公主封君以上皆帶綬以采組爲緝帶各如其綬色黃金辟邪首爲帶鑲飾以白珠

公卿列侯中二千石二千石夫人紺繒黃金龍首銜白珠魚須璲長一尺爲簪珥入廟佐祭者阜絹上下助贊者纁絹上下皆深衣制緣自二千石夫人以上至皇后皆以鷺衣爲朝服公主貴人妃以上嫁娶得服綿綺羅縠繪采十二色重緣袍特進列侯以上錦繒采十二色工六百石以上重練采九色禁丹紫紺三百石以五色采青絳黃緣紅二百石以上四采青黃紅紺賈人緇纁而已公卿列

侯以下皆單緣襖制文繡爲祭服自皇后以下皆不得服諸古麗圭繆闥緣加上之服建武永平禁絕之建初永元又復中重於是世莫能有制其裁者乃遂絕矣

以上輿服志通典並同

右后夫人服